

Gaiq Daih' it Cungguk — Dunghmungz Ndangdaenj Minzcuz Sezgi Doxdax Daengx Guek Cungjdoxdax Youq Ningzmingz Beijsat

首届中国—东盟民族服饰设计大赛全国总决赛在宁明落幕

Ndwen gonq 29 hauh, 2017 Cungguk · Ningzmingz Byaraiz vwnzva lijyouz doigvangq senj bouxdasij nem Cungguk—Dunghmungz ndangdaenj minzcuz sezgi doxdax daengx guek cungjdoxdax aeu “rumz Loegvet · yinh Byaraiz · cingz Dunghmungz” ma guh cawjdaez haenx youq Ningzmingz Yen Byaraiz Vwnzva Gvangcangz gawjhengz.

Daj 2017 nienz 12 nyied 9 hauh guh doxdax gvaqdaej, ginggvaq gak dieg codaeuz doxdax, daj bonjdieg caeuq Namzningz、Hwzlungzgyangh、Gyanghsih、Huznanz daengj daengx guek gak dieg gungh miz 32 boux senjsouj ndaej haeuj cungjdoxdax. Doengh boux senjsouj ndaej camgya doxdax haenx cungj faenbied langhyienj le byaijloh、langhdoeg、ciengqgo diuqfoux daengj caizyi cing ndei,

doxdax yienhciengz gyuemluemz minzcuz fwnveiz naekna caeuq seizhwng heijsik.

Ginggvaq haenqhwd doxdax doxbeij, ndaej faen ok cuj lwgnyez、cuj bouxcoz gvan'ginh.

(Cauh Yizganh/周贻刚)



▲ 5 boux senjsouj ndaej haeuj cungjdoxdax haenx youq gwnz daiz biujyienj.



▲ 32 boux senjsouj ndaej ciengj haenx youq gwnz daiz lingx ciengj.



▲ Yienhciengz langhyienj.

Yungzsuij Banh Gaiq Daih' it Langhbaij Mbawveh Labnyumx Myauzcuz Feihyiz Vwnzva Swnjcienz

融水举办首届非遗文化传承苗族蜡染画展

1 nyied 1 hauh daengz 7 hauh, gaiq daih' it langhbaij mbawveh labnyumx youz Yungzsuij Myauzcuz Swciyen Vwnzva' gvanj cawjbanh, Yungzsuij Cizyez Gisuz Yozyau ciepbanh haenx youq aen yienh neix Vwnzva' gvanj gawjhengz, ngoenz daih' it couh miz sam bak lai boux cung siuj hagseng caeuq bouxyawj yawjgonz le langhbaij.

Mbawveh langhbaij le gyoengq hagseng lauxsae it bak lai fuk mbawveh cujyau aeu va roeg、vunz、daengngoenz、raemx bya、donghvenz daengj ma guh veh haenx, miz hingzsik conzdungj caezcingj mbawveh, hix miz yisuz cauhguh gvaqbouh bienhgingz haenx; miz yizsuzbinj souyo dij cienz, hix miz daeh mauh daengj saedcej yunghdawz. Mbawveh langhbaij cozbini neiyungz fungfouq、hingzsik lai yiengh、noengzdamh caez yawj. Yienhciengz lij miz beizyinbanh lauxsae hagseng ganggej caeuq langhyienj gunghyi guh labnyumx, yiengq vunzlai langhbaij minghhoengh yisuz gagdog Myauzcuz labnyumx.

(Maj Cunghvaz/马忠华)

Vanzgyangh Yananz Yangh Banh Cung Siujhag Minzcuz Vwnzva Haeuj Hagdangz Vwnzyi Comzyienj Hozdung

环江下南乡中小学隆重举行民族文化进校园文艺汇演活动

Ndwen gonq 29 hauh, Vanzgyangh Yananz Yangh cung siuj hagseng lauxsae 500 lai vunz, angqvauvau comz youq Yananz Yangh Siujyoz, hoenghhwd gawjhengz minzcuz vwnzva haeuj hagdangz nem 2018 nienz yenzdan vwnzyi comzyienj hozdung.

Vwnzyi comzyienj youz Yananz Cunghsinh Siujyoz、Yananz Cunghyoz、Mauznanz Sanhniengz Yisuzdonz caeuq gyoengq yenjyenz Mbanjnanzcangh daihcaez biujyienj, doenggvaq biujyienj 《Foux Gyaepvaduk》《Nyez Mauhngge》《Lwghag Mauznanz》《Go Couxhek Mauznanz》daengj baenzdauq biujyienj gig miz Mauznanzcuz conzdungj daegsaek haenx, sawj gyoengq hagseng lauxsae youq yawj Mauznanzcuz vwnzva yisuz ndawde ndaej yiengsauh saemj gyaundeidei、son dauhleix caeuq simlingz gyaundeidei, mboujduenh daezsang



▲ Hagseng yienjheiq angqhoh bi moq.

lauxsae hagseng rox Mauznanzcuz minzcuz vwnzva, yienghneix cijndaej engq ndei swnjcienz caeuq hoengzyiengz minzcuz vwnzva maenhndei.

(Liuz Ai/刘爱)

Mungzsanh Yen Gawjhengz Lwgmbwk Fouxndangcangq Biujyienj

蒙山县举行女子健身舞表演



▲ Lwgmbwk gyaundeidei diuq foux-ndangcangq.

Ndwen gonq 31 hauh, Mungzsanh Yen doenghboux gyaec fouxgvangj-cangz haenx youq aen yienh neix hingzcwng cungsim biujyienj foux-ndangcangq. Ngoenz haenx, 10 aen doih fouxndangcangq lwgmbwk daj ndaw yienh daeuj haenx, yungh gij foux mbinfwf caeuq doenghyubyub gyoengqde foux ok gij cingsaenz gyaundeidei ndangcangq mehmbwk seizdaih moq, angqhoh bi moq daeuj daengz.

(Gvanh Sinh/关新)